

INUIT ATAQATIGIIT

INATSISARTUNI



Nuuk, 9. august 2012

Inatsisartut Suleriaasianni § 37 naapertorlugu matumuuna Naalakkersuisunut imaattunik apeqquteqarpunga.

Apeqqutit:

1. Naalakkersuisut nunamut attuumassuteqarnek nunallu oqaasiinik, kultuuriinik, inuiaqatigiinnik, politikkikkut oqaluttuarisaanikkullu ineriartorsimaneranik il.il. ilisimasaqarnissaq atorfinitsitsisarnermik politikkiminni qanoq pingaartitsigaat?
2. Namminersorlutik Oqartussat atorfinitsitsinermi politikkiminni malitassiorsimappat qaqugukkut sulisunik nunanit allaneersunik, tassunga ilaallutik ilinniagartuunik – atorfinitsitsisoqarsinnaanersoq, assersuutigalugu maani nunaqartunik marluinnillu oqaaseqartunik naammattumik piginnaasalinnik aamma qinnuteqartoqarsimatillugu? (inuit ukiut marluk sinnerlugit najugaqarsimasut assersuutigalugu tassaasinnaapput maani nunaqartutut uani pineqartut)
3. Namminersorlutik Oqartussani suliffeqarfinnilu taassuma ataaniittuni qanoq akulikitsigisumik sunillu peqquteqarluni atorfinitsitsinerni nunami pissutsinut oqaatsinullu ilisimasaqarnissamik piunasaqaat malinneqartannginnersoq kisitsisitigut takussutisseqquneqarpoq?
4. Namminersorlutik Oqartussat sulisoqarnikkut politikkiminni sulisunik allamiunik inuiaqatigiinnut kalaallinut akuunerulertitsiniarnermut qanoq ittunik najoqqutassarpat qanorlu periuseqartarpat?
5. Namminersorlutik Oqartussani suliffeqarfinnilu taassuma ataaniittuni sulilerlaanut tikerlaanullu nunap oqaasiinik kiisalu kalaallit kultuuriinut, inuiaqatigiinni pissutsinut, naalakkersuinikkut oqaluttuarisaanikkullu ineriartornermut, il.il. tunngasunik pikkorissarnernik **pinngitsoorani** peqataaffiusussanik Naalakkersuisut aallartitsilersaarpat?

(Inatsisartuni ilaasortaq Kaali Olsen, Inuit Ataqatigiit)

Tunngavilersuut

Namminersorlutik Oqartussat, atorfinni qitiusumik inissisimasuni, nunanit allaneersunik atorfinitsitsisarput sulilu atorfinitsitsisariaqartassallutik. Piffissap ingerlanerani Namminersorlutik Oqartussat qitiusumik allaffeqarfiat kulturinit arlaqartunik assigiinngitsunillu ilitsoq-qussaralugu oqaasilinnik sulisoqaleriartorfiuvoq tamassumalu pisariaqalersippaa sulisoqarnermi maleruagassiornerni kulturinit assigiinngitsunersunik sulisoqarfiusumi aqutsineq qanoq periuseqarluni ingerlanneqartassanerani isummersortarnissaq, assersuutigalugulu nunap oqaasiinik, kultuuriinik, inooriaatsinik, il.il. iternga tikillugu ilisimasaqarnissamut periarfissaqarsimanngitsunik pisortaartoqartillugu sulisoqartillugulu qanoq periuseqartoqartassanersoq.